

Näillä kolmella laajilla on prippuset hatut. Mutta priput saattavat helpola löysätä ja kokohnaans elikkä puoleksi uupua.



### Punanen kärpässieni

*Amanita muscaria*

Hattu 10-25 cm. Hattufäri saattaa vaihtella voimakkaan punasesta pleekimphään oransinpunasheen. Priput on valkeat. Jalassa on suuri rengas ja aliosa jalasta on paisunu. Kasuaa lehtimettissä ja hakomettissä.



### Pruuni kärpässieni

*Amanita muscaria var. regalis*

Se pruunista kellertävänpruuhniin hattu on 10-20 cm ja sillä on valkeankellertävät priput. Jalassa on selvä rengas ja aliosa jalasta on paisunu. Kasuaa hakomettissä.



### Pantterikärpässieni

*Amanita pantherina*

Hattu on 5-12 cm ja se on pruunissa nyansissa. Priput on valkeat, rengas jalassa saattaa välistä uupua. Aliosa jalasta on paisunu. Kasuaa tavallisesti lehtimettissä ja parkissa, mutta välistä kansa hakomettissä.

### Myrkyn vaikutus ja symtoomit

Kaikki nämät sienet sisältävät myrkkyä joka häiritsee hermosysteemiä. Päänhuimaus, sekkaintuminen, levottomuus, matalampi tajuaminen ja kramppeja saattaa tulla. Välistä kansa pahaa vointia ja oksentamista.

### Kunkas sie opit enämpi sienistä?

- Yritä päästä matkhaan sienikurshiin elikkä retkele. Niitä on niin opintoliittoja ko föreninkiä jotka järjestävät semmosia.
- Hyviä kotisivuja: [www.svampkonsulent.se](http://www.svampkonsulent.se)  
[www.svampguiden.com](http://www.svampguiden.com)

Valokuva & layout: Michael Krikoren



Brosyyrin on tehny Myrkkyinformasuunikeskus yhtheistyössä Sienikonsylentitten valtakuntaliiton kansa.



# Net vaaralisiimat myrkkyisienet Ruottissa!



## STOP!

- Älä kokoa sieniä jotka muistuttavat niitä jotka on brosyryissä!
- Älä ota muita sieniä ko niitä jotka sie varhmaan tunnet!
- Älä pruuakhaan maistaa! Myrkkyinenki sieni saattaa maistua hyväle!
- Älä anna ko sieniä tunteva täysi korjata sienet!
- Laita uuenaikehainen sienikirja!



**Soita 112 jos myrkkysonnettomuus tapahtuu ja taho päästä Myrkkyinformasuuhniin – vuorokauet ympäri. Soita 010-456 6700 jos ei ole aivan hätä.**  
[www.gic.se](http://www.gic.se)



## Valkea kärpässieni

*Amanita virosa*

Koko sieni on valkea. Hattu 5-12 cm. Jalassa on rengas, joskus rengas saattaa uupua. Ko kärpässienet on oikein nuoret ne muistuttavat munia. Aliosa jalasta, joka useasti on syvässä sammalheessa, on paisunu. Valkea kärpässieni kasuaa sammalheisessa hakomettässä ja pyökkimettässä.

### Myrkytysvaikutus ja oireet

Myrkytys aiheuttaa maksan. Myrkytysmerkit ovat vesiset lakseerukset, paha vointi ja oksentamiset jotka alkavat monta tuntia sieniaterian jälkeen. Riski on suuri ettei saa vakavaa maksavauriota. Myrkytys saattaa aiheuttaa kuoleman.

## Pettosa kärpässieni

*Amanita phalloides*



Hattu 5-12 cm. Hattufäri saattaa vaihtella vähän, kohta kokohnaans valkeasta vihertävään eliikka harmimaihan ja vaaleanpruuhniin nyanssiin. Siivat on valkeat. Jalassa on ohukainen rengas, joka välistä uupuu. Aliosa jalasta on paisunu. Pettosa kärpässieni kasuaa lehtimettissä, sekamettissä (lehti- ja hakopuut kasuaavat yhdessä) ja vainioilla joissako on pyökkiiä, tammea ja hasselia.

### Myrkytysvaikutus ja oireet

Sisältää sammaa myrkyä ko valkea kärpässieni. Antaa samat oireet ja on yhtä vaarallinen – katto ylhäällä!



## Terävähuppunen myrkkuseitikki

*Cortinarius rubellus (C. speciosissimus)*

Hattu 4-8 cm. Koko sieni on punasen-pruunista kellertävänpruuhniin. Hattu on useasti terävähuppunen, mutta ei aina. Kasuaa sammalheisissa hakomettissä ja pyökkimettissä. Yks kohta samalainen laaji joka sisältää sammaa myrkyä on oransinpruuni myrkkuseitikki (*C. orellanus*). Se kasuaa lehtimettissä joissako on tammea, pyökkiiä ja hasselia.

### Myrkytysvaikutus ja oireet

Myrkytys aiheuttaa munhaisia jotka saattavat mennä kokohnaans pilhaan. Myrkytysmerkit ei tule vasta ko monen päivän päästä. Ne saattavat olla lissäintynny jano, lihaksensärky, lissäintynheet eliikka vähentynheet kusimäärät. Se joka on myrkytetty saattaa tarteeta dialyysihoitoa pitkhään ja piiaun munhaistransplanttasuunin.

## Kivimyrkla

*Gyromitra esculenta*



Kivimyrkla kuuluu kokohnaans erhiin sieniryhmään. Hattu on 4-12 cm, pruuni, ymmyräinen ja vekattu. Jalka saattaa vaihtella färissä, vaalean harmajissa, pruunissa eliikka heijon violetissa nyansissa. Kivimyrkla kasuaa kevväällä huhtikuusta siiheen saakka ettei koiju on lyöny ulos, useasti pitkin mettäteitä, juurakoitten vieressä eliikka hakoksissa.

### Myrkytysvaikutus ja oireet

Myrkytys aiheuttaa hermostysteemiä ja saattaa kansa tärvtä verisoluja ja maksaa. Myrkytysmerkit on päänhui-maus, tuplanäkö ja sekanen puhe. Pahhaa vointia ja vattankipua saattaa kansa olla.